
Яширинган қарздор топилди ва ундан 19,5 млн. сўм алимент қарзи тўлиқ ундирилди

Мажбурий ижро бюроси Ўзбекистон туман бўлими иш юритувида ФИБ Ўзбекистон туманлараро судининг 24.07.2020 йилги суд буйруғига асосан қарздор К.Н.дан ундирувчи К.Д. фойдасига икки нафар фарзандини моддий таъминоти учун ойлик даромадларидан 1/3 қисм миқдорда алимент ундириш ҳақидаги ижро ҳужжати мавжуд бўлиб, қарздор К.Н. 19.500.000 сўм алимент тўловларини тўлашдан бўйин товлаб яширинганлиги сабабли, 03.02.2023 йилда давлат ижрочиси унга нисбатан қидирув эълон қилган.

Бошқарманинг қидирув шўъбаси инспекторлари томонидан ўтказилган қидирув тадбирлари натижасида қарздор К.Н. 23.02.2023 йил куни Тошкент шаҳрининг Чилонзор туманида яшаётганлиги аниқланиб, ушланган.

Қарздорга унинг ҳуқуқ ва мажбуриятлари тушунтирилган ва ундан ундирувчи К.Д фойдасига алиментдан бўлган қарзи 19.500.000 сўм тўлиқ ундирилиб, унга келгусида алимент тўловларини белгиланган муддатда тўлаши шартлиги тушунтирилган.

МИБ Ўзбекистон тумани бўлими

2023-02-25 09:16:51